



PERDANA
LEADERSHIP
FOUNDATION
YAYASAN
KEPIMPINAN
PERDANA

PERDANA LIBRARY
PERDANA LEADERSHIP FOUNDATION
NEWSPAPER CLIPPING

Newspaper	Berita Harian
Date	7/1/2013

Pahlawan Negara selamat dikebumikan

BH - 7/1/2013

Kuching: Pahlawan Negara, Datuk Temenggong Kanang Anak Langkau, selamat dikebumikan di Perkuburan Pahlawan Sarawak mengikut istiadat ketenteraan, semalam.

Upacara pengebumian yang turut dihadiri hampir 1,000 orang termasuk orang kenamaan dan pegawai kanan Angkatan Tentera Malaysia (ATM) bermula dengan majlis keagamaan di Gereja St Thomas sebelum mayat dibawa ke perkuburan di Jalan Budaya.

Tepat jam 3.30 petang, keranda mendiang dibawa anggota tentera untuk disemadikan di tanah perkuburan yang turut menempatkan pusara anggota renjer yang terbabit


dalam Ops Mai Pulai, pada 2011 lalu.

Hujan renyai

Hujan renyai ketika saat keranda mendiang diturunkan seolah-olah meratapi pemergian penerima tunggal pingat tertinggi negara iaitu Seri Pahlawan Gagah Perkasa (SP) dan Panglima Gagah Berani (PGB) itu.

Upacara kalungan bunga didahului Timbalan Ketua Menteri, Tan Sri Alfred Jabu anak Numpang diikuti Menteri Tenaga, Teknologi Hijau dan Air, Datuk Seri Peter Chin Fah Kui, yang mewakili Kerajaan Pusat.

Kalungan bunga turut di-



Alfred Jabu (dua dari kanan) menyerahkan Jalur Gemilang kepada balu mendiang Pahlawan Negara, Datin Brawang Chungkat ketika upacara pengebumian di Makam Pahlawan, Jalan Taman Budaya, semalam.

lakukan Panglima Angkatan Tentera, Jeneral Tan Sri Zulkifeli Mohd Zin; Panglima Tentera Darat, Jeneral Datuk Zulkifli Zainal Abidin; Panglima Tentera Udara, Jeneral Tan Sri Rodzali Daud dan Timbalan Panglima Tentera Laut, Laksamana Madya Datuk Mohamed Noordin Ali dan isteri

mendiang, Datin Brawang Chungkat.

Turut memberi penghormatan, Lt Jen (B) Datuk Seri Zaini Mohamad Said yang mewakili penerima pingat SP dan PGB serta Pengerusi Lembaga Tabung Angkatan Tentera (LTAT), Laksamana Tan Sri Mohd Anwar Mohd Nor.